

24 მარტი 2015 წელი

ქალაქი ქუთაისი

ერთის მხრივ, ქალაქ ქუთაისის მუნიციპალიტეტის მერია, (შემდგომში "შემსყიდველი") ქალაქ ქუთაისის მუნიციპალიტეტის მერიის პირველი მოადგილის ნოდარ მიქიაშვილის სახით, (მისამართი: 4600, ქალაქი ქუთაისი, შ. რუსთაველის გამზ.143, ტელ: 24-10-24).

მეორეს მხრივ, შ.პ.ს. „სანდო“, (შემდგომში „მიმწოდებელი“) მისი დირექტორის გორგი წულაძის სახით (მისამართი: ქ. ქუთაისი, გრიშაშვილის ქ. №20, ტელ: 599 24 02 74; 0(431) 24 44 12), „სახელმწიფო შესყიდვების შესახებ“ საქართველოს კანონმდებლობისა და მიმწოდებლის საკონკურსო წინადადების საფუძველზე, (საკონკურსო განაცხადი №1524 10.03.2015 წ.) დებენ წინამდებარე სახელმწიფო შესყიდვის შესახებ ხელშეკრულებას შემდეგზე:

**1. ხელშეკრულებაში გამოყენებულ ტერმინთა განმარტებები**

ხელშეკრულებაში გამოყენებულ ტერმინებს აქვთ შემდეგი მნიშვნელობა:

- 1.1 "ხელშეკრულება სახელმწიფო შესყიდვის შესახებ" (შემდგომ – "ხელშეკრულება") – შემსყიდველ ორგანიზაციასა და კონკურსში გამარჯვებულ კონკურსანტს შორის დადებული ხელშეკრულება, რომელიც ხელმოწერილია მხარეთა მიერ, მასზე თანდართული ყველა დოკუმენტით და დამატებით და ასევე მთელი დოკუმენტაციით, რომლებზეც ხელშეკრულებაში არის მინიშნებები.
- 1.2 "ხელშეკრულების ღირებულება" ნიშნავს საერთო თანხას, რომელიც უნდა გადაიხადოს შემსყიდველმა ორგანიზაციამ მიმწოდებლის მიერ ხელშეკრულებით ნაკისრი ვალდებულებების სრული და ზედმიწევნით შესრულებისათვის;
- 1.3 "შემსყიდველი ორგანიზაცია" (შემდგომ "შემსყიდველი") ნიშნავს ორგანიზაციას (დაწესებულებას), რომელიც ახორციელებს შესყიდვას;
- 1.4 "მიმწოდებელი" ნიშნავს პირს, რომელმაც მოიპოვა გამარჯვება კონკურსში და ახორციელებს მომსახურებას სახელმწიფო შესყიდვის შესახებ მოცემული ხელშეკრულების ფარგლებში;
- 1.5 "დღე", "კვირა", "თვე" ნიშნავს კალენდარულ დღეს, კვირას, თვეს;
- 1.6 „მომსახურება“ – ხელშეკრულების მე-2 მუხლით გათვალისწინებული ხელშეკრულების საგანი;
- 1.7 „ტექნიკური დოკუმენტაცია“ – მიმწოდებლის მიერ (საკონკურსო განაცხადი №1524 10.03.2015 წ.) საკონკურსო წინადადებით წარმოდგენილი ტექნიკური დოკუმენტაცია, რომელიც ერთვის ხელშეკრულებას, როგორც მისი განუყოფელი ნაწილი.

**2. ხელშეკრულების საგანი**

- 2.1 ქალაქ ქუთაისში ასათიანის ქუჩისა და გ. ტაბიძის ქუჩის გზის ა/ზეტონის კაპიტალური სამუშაოების, ტროტუარების, ბორდიურების და შ.შ.მ. პირებისათვის პანდუსების მოწყობის საპროექტო-სახარჯთაღრიცხვო დოკუმენტაციის შედგენა.
- 2.2 ხელშეკრულებით გათვალისწინებული მომსახურების აღწერა მოცემულია ტექნიკურ დოკუმენტაციაში (ფასების ცხრილი).

**3. ხელშეკრულების ღირებულება**

- 3.1 შესასრულებელი მომსახურების ჯამური ღირებულება შეადგენს 10000 (ათი ათასი) ლარს.
- 3.2 ხელშეკრულების ჯამური ღირებულება მოიცავს ხელშეკრულებით გათვალისწინებული მომსახურების გაწევასთან დაკავშირებულ მიმწოდებლის ყველა ხარჯს, მათ შორის საქართველოს კანონმდებლობით გათვალისწინებულ ყველა გადასახადს.

**4. ხელშეკრულების შესრულების კონტროლი**

- 4.1 ხელშეკრულებით გათვალისწინებული პირობების შესრულების კონტროლი განახორციელდება ქალაქ ქუთაისის მუნიციპალიტეტის მერიის შესაბამისი უფლებამოსილი სტრუქტურული ერთეულის მიერ.
- 4.2 კონტროლი გულისხმობს „მიმწოდებელი“-ს მიერ ხელშეკრულების პირობების შესრულების, აგრეთვე გაწეული ან გასაწევი მომსახურების ხარისხის შემოწმებას.
- 4.3 ყველა გამოვლენილი ხარვეზის ან ნაკლის აღმოფხვრასთან დაკავშირებული ხარჯების ანაზღაურება ეკისრება „მიმწოდებელს“ საქართველოს კანონმდებლობით დადგენილი წესით.

**5. მომსახურების გაწევის პირობები და ვადები**

- 5.1 „მიმწოდებელი ვალდებულია მომსახურების გაწევა განახორციელოს ხელშეკრულების დადებიდან 15

Handwritten signatures and initials in blue ink at the bottom of the document, including a large signature on the right and initials 'გპრ' in the center.

(თხუთმეტი) კალენდარული დღის განმავლობაში, 2015 წლის 7 აპრილის ჩათვლით.

5.2 „მიწოდებელი“ ვალდებულია საპროექტო-სახარჯთაღრიცხვო დოკუმენტაცია წარმოადგინოს 4 (ოთხი) ეგზემპლარად ფერად ტონებში, რომლებსაც თან უნდა დაერთოს ელექტრონული ვერსია. ამასთან კონკურსანტმა დამატებით უნდა წარმოადგინოს საპროექტო-სახარჯთაღრიცხვო დოკუმენტაცია PDF ფორმატში, რომლის ერთი ფაილის მოცულობა არ უნდა აღემატებოდეს 8 მგ-ს.

### 6. შესყიდვის ობიექტის მიღება-ჩაბარების წესი

6.1 „მიწოდებელი“-ს მიერ შესყიდვის ობიექტი მიღებულად ჩათვლება მხოლოდ გაწეული მომსახურების მიღება-ჩაბარების აქტის ფაქტური დადასტურების შემდეგ.

6.2 ფაქტურად შესყიდვის ობიექტის დამტკიცებას ქალაქ ქუთაისის მუნიციპალიტეტის მერიის შესაბამისი უფლებამოსილი სტრუქტურული ერთეულის დადასტურების საფუძველზე ახორციელებს ქალაქ ქუთაისის მუნიციპალიტეტის მერიის პირველი მოადგილე.

### 7. ანგარიშსწორება

7.1 ანგარიშსწორება განხორციელდება „მიწოდებელი“-ს წერილობითი მომართვის საფუძველზე;

7.2 „მიწოდებელი“-ს წერილობით მომართვას ანგარიშსწორების თაობაზე უნდა დაერთოს:

- ა) ფაქტურად გაწეული მომსახურების დასახელება და ღირებულება,
- ბ) მომსახურების გაწევის შესაბამისად ამოწერილი დ.ღ.გ.-ს ანგარიშფაქტურა,
- გ) შესრულებული მომსახურების მიღება-ჩაბარების აქტი.

7.3 გაწეული მომსახურების ანგარიშსწორება „მიწოდებელთან“ განხორციელდება უნაღდო ანგარიშსწორებით, ლარებში.

7.4 ანგარიშსწორება განხორციელდება გაწეული მომსახურების დადასტურებიდან 20 (ოცი) სამუშაო დღის განმავლობაში.

### 8. ხელშეკრულებაში ცვლილებების შეტანა

8.1 ხელშეკრულების დამდებ არც ერთ მხარეს არა აქვს უფლება შეიტანოს მომსახურების პირობებში ცვლილებები მეორე მხარესთან შეთანხმების გარეშე.

8.2 თუ რაიმე წინასწარ გათვალისწინებული მიზეზების გამო წარმოიშობა ხელშეკრულების პირობების შეცვლის აუცილებლობა, ცვლილებების შეტანის ინიციატორი ვალდებულია წერილობით შეატყობინოს მეორე მხარეს შესაბამისი ინფორმაცია.

8.3 ხელშეკრულების პირობების შეცვლა დაუშვებელია, თუ ამ ცვლილების შედეგად იზრდება ხელშეკრულების ჯამური ღირებულება ან უარესდება ხელშეკრულების პირობები „შემსყიდველი“ ორგანიზაციისათვის, გარდა საქართველოს სამოქალაქო კოდექსის 398-ე მუხლით დადგენილი შემთხვევებისა.

8.4 საქართველოს სამოქალაქო კოდექსის 398-ე მუხლით გათვალისწინებული პირობების დადგომის შემთხვევაში დაუშვებელია ხელშეკრულების ჯამური ღირებულების 10%-ზე მეტი ოდენობით გაზრდა.

8.5 ხელშეკრულების პირობების ნებისმიერი ცვლილება უნდა გაფორმდეს ხელშეკრულების დანართის სახით, რომელიც ჩათვლება ხელშეკრულების განუყოფელ ნაწილად.

### 9. მხარეთა უფლება-მოვალეობები

9.1 „შემსყიდველი“ უფლებამოსილია:

- გასაწევი მომსახურების დასრულებამდე ნებისმიერ დროს მოითხოვოს „მიწოდებლისგან“ მისთვის საჭირო ინფორმაცია;

9.2 „შემსყიდველი“ ვალდებულია:

- უზრუნველყოს „მიწოდებელი“-ს მიერ გაწეული მომსახურების ანაზღაურება ხელშეკრულებით გათვალისწინებული ვადების და პირობების დაცვით;

9.3 „მიწოდებელი“ უფლებამოსილია:

- მოსთხოვოს „შემსყიდველს“ გაწეული მომსახურების ღირებულების ანაზღაურება ხელშეკრულებით გათვალისწინებული ვადების და პირობების დაცვით.

9.4 „მიწოდებელი“ ვალდებულია:

- დროულად და კეთილსინდისიერად შესარულოს ხელშეკრულებით ნაკისრი ვალდებულებები, - განახორციელოს დამუშავებული ტექნიკური დოკუმენტაციის საავტორო ზედამხედველობა.

### 10. ხელშეკრულების პირობების შეუსრულებლობა

10.1 დაუძლეველი ძალის გარდა „მიწოდებელი“-ს მიერ ხელშეკრულების პირობების შეუსრულებლობისა

ან/და დაგვიანებით შესრულების შემთხვევაში გამოიყენება საჯარიმო სანქციები:

- ხელშეკრულების თვითნებურად შეწყვეტის შემთხვევაში „მიმწოდებელი“ გადაიხდის 3000 (სამი ათასი) ლარს.

10.2 ხელშეკრულებით გათვალისწინებული პირობების დაგვიანებით შესრულებისათვის ყოველ ვადაგადაცილებულ დღეზე ხელშეკრულების ჯამური ღირებულების 0.1%-ს.

10.3 იმ შემთხვევაში თუ საჯარიმო სანქციების ჯამური თანხა გადააჭარბებს ხელშეკრულების ღირებულების 3%-ს, „შემსყიდველს“ უფლება აქვს შეწყვიტოს ხელშეკრულება.

10.4 ხელშეკრულების პირობების შესრულებლობისათვის, „მიმწოდებელი“-ს დაჯარიმების შემთხვევაში, „შემსყიდველი“ იტოვებს უფლებას ფაქტურად გაწეული მომსახურების ასანაზღაურებელი თანხიდან, საჯარიმო სანქციების თანხა პირდაპირ გადარიცხოს არსაგადასახადო ანგარიშსწორების ერთიან ანგარიშზე სახელმწიფო ხაზინაში.

10.5 საჯარიმო სანქციის გადახდა არ ათავისუფლებს „მიმწოდებელს“ ძირითადი ვალდებულებების შესრულებისადმი.

**11. ხელშეკრულების შეწყვეტა**

11.1 ხელშეკრულების დამდები ერთ-ერთი მხარის მიერ ხელშეკრულების პირობების შესრულებლობის შემთხვევაში მეორე მხარეს შეუძლია მიიღოს გადაწყვეტილება ხელშეკრულების სრული ან მისი ცალკეული პირობის მოქმედების შეწყვეტის შესახებ.

11.2 ხელშეკრულების დამდები მხარე, რომელიც მიიღებს ასეთ გადაწყვეტილებას ვალდებულია შეტყობინოს მეორე მხარეს მიღებული გადაწყვეტილება, მისი მიღების საფუძველი და ამოქმედების თარიღი. აღნიშნული შეტყობინება დაუყოვნებლივ უნდა მიეწოდოს მეორე მხარეს.

11.3 ხელშეკრულების შეწყვეტა პირობების დარღვევის გამო არ ათავისუფლებს „მიმწოდებელს“ ხელშეკრულების შესრულებლობისათვის გათვალისწინებული პასუხისმგებლობისაგან.

**12. დავები და მათი გადაწყვეტის წესი**

12.1 ხელშეკრულების მოქმედების პერიოდში წამოჭრილი ყველა დავა გადაიჭრება ურთიერთშეთანხმების გზით. შეთანხმების მიუღწევლობის შემთხვევაში, დავის გადასაწყვეტად მხარეები უფლებამოსილი არიან მიმართონ სასამართლოს საქართველოს მოქმედი კანონმდებლობის შესაბამისად.

**13. გადასახადები და დაბეგრა**

13.1 ადგილობრივი „მიმწოდებელი“ პასუხს აგებს საქართველოს კანონმდებლობით დადგენილ გადასახადის, მოსაკრებლების და სხვა გადასახადების გადახდაზე.

**14. ხელშეკრულების მოქმედების ვადა**

14.1 წინამდებარე ხელშეკრულების ძალაში შედის ხელშეკრულების თავში მითითებული თარიღიდან და მოქმედებს 2015 წლის 7 მაისის ჩათვლით.

14.2 ხელშეკრულება შედგენილია სამ ეგზემპლარად, რომელთაგან თითოეულს აქვს თანაბარი იურიდიული ძალა და ინახება ხელმომწერ მხარეებთან. 1 (ერთი) პირი „მიმწოდებელთან“ და 2 (ორი) პირი „შემსყიდველთან“.

**15. მხარეთა რეკვიზიტები და ხელმოწერები**

შემსყიდველი:

მიმწოდებელი:

ქალაქ ქუთაისის მუნიციპალიტეტის მერია  
მის: ქ. ქუთაისი, რუსთაველის გამზ. №3  
მიმღები: ხაზინის ერთიანი ანგარიში  
ქ. თბილისი, „სახელმწიფო ხაზინა“  
ბ/კოდი: TRESGE22  
ს/კოდი: 212721170  
ქალაქ ქუთაისის მუნიციპალიტეტის  
მერის პირველი მოადგილე

შ.პ.ს. „სანდო“  
მისამართი: ქ. ქუთაისი, გრიშაშვილის ქ. №20  
ს.ს. „თიბისი ბანკი“  
ბ/კოდი: TBCBGE22  
ა/ა GE67TB7418136080100002  
ს/კ 412693474  
შ.პ.ს. „სანდო“  
დირექტორი

ნოდარ მიქიაშვილი

გიორგი წულაძე

### ტექნიკური დოკუმენტაცია

შესყიდვის ობიექტს წარმოადგენს:

ქალაქ ქუთაისში ასათიანის ქუჩისა და გ. ტაბიძის ქუჩის გზის ა/ზეტონის კაპიტალური სამუშაოების, ტროტუარების, ბორდიურების და შშმ პირებისათვის პანდუსების მოწყობის საპროექტო-სახარჯთაღრიცხვო დოკუმენტაციის შედგენა.

დასაპროექტებელი ობიექტის ფასების ცხრილი

N	ობიექტის დასახელება	განზომილება სიგრძე/სიგანე	ღირებულება
1	ასათიანის ქუჩა (ა/ზეტონი)	1445მ * 10-12მ	6000
2	გ. ტაბიძის ქუჩა	907მ * 7-8მ	4000
	ჯამი		10000

გამარჯვების შემთხვევაში წარმოდგენილი მონაცემები დაზუსტდება შპს "სანდო" მიერ

შპს "სანდო"-ს დირექტორი:  გ.წულაძე



დავალება დასპროექტებელ ობიექტებზე

ობიექტის განთავსების ადგილი	ქ.ქუთაისის ცენტრალური ნაწილი
ძირითადი მოთხოვნები სავალი ნაწილის და ტროტუარების აღსადგენად	სავალი ნაწილის კაპიტალური შეკეთება, სავალი ნაწილის პროფილის გასწორება შემასწორებელი ფენით, საჭიროების შემთხვევაში სავალი ნაწილის ძველი საფარის აღება და იგივე პროფილის შენარჩუნება. ა/ბეტონის საფარის სისქის გაანგარიშება მძიმე ავტომანქანების დატვირთვაზე გათვლით, ღვარსადენის სისტემის მოწყობა საჭიროების შემთხვევაში (გ. ტაბიძის ქუჩაზე). ზორდიურების ასაკრები ბეტონის ფილებით და ტროტუარების მოწყობა (მასალა შეირჩეს დამკვეთთან შეთანხმებით). შშმ პირებისათვის პანდუსების მოწყობა
მოთხოვნები მიწისქვეშა არსებული კომუნიკაციების შესწავლაზე	სავალ ნაწილზე არსებული მიწისქვეშა საინჟინრო კომუნიკაციების შესწავლა, საჭიროების შემთხვევაში მათი შეკეთება-გამოცვლის სამუშაოების გათვალისწინება (ნიაღვარსადენი, კანალიზაცია)
საინჟინრო ნაგებობების	მიწისზედა და მიწისქვეშა საინჟინრო ნაგებობების შეკეთება (კიუვეტები, ღვარსადენი, მილები, საყრდენი კედლები)
სხვა დამატებითი პირობე	საჭიროების შემთხვევაში პროექტი შეთანხმდეს მიწისქვეშა საინჟინრო კომუნიკაციების (წყალკანალი, ენერგო პრო, კავშირგაბმულობისა და გაზის) შესაბამის სამსახურებთან
მშენებლობის ღირებულების	მშენებლობის ღირებულება გაანგარიშებული იქნას მოქმედი სამშენებლო ნორმების შესაბამისად
მშენებლობის ორგანიზაციის პროექტის დამუშავება	სამშენებლო სამუშაოების საპიკეტაჟო და მანქანა-მექანიზმების მოთხოვნის უწყისების შედგენა, სამუშაოთა წარმოების კალენდარული გრაფიკი, გრძივი და განივი პროფილების ნიშნულებით და ზომებით (ГОСТ 21,511-83, СНИП VI-2-82 და სხვა ნორმები
	დოკუმენტაცია შესრულდეს ოთხ ეგზემპლარად ფერად ტონებში, ელექტრონული ვერსია მოწოდებული იქნას dwg, pln და pdf ფაილებით ოთხ ეგზემპლარად და გადაიგზავნოს ელექტრონულ ფოსტაზე <a href="mailto:kutaisisinfrastruktura@gmail.com">kutaisisinfrastruktura@gmail.com</a>

შპს "სანდო" ვალდებულია საპროექტო-სახარჯთაღრიცხვო დოკუმენტაციის შედგენა განახორციელოს ხელშეკრულების დადებიდან 15 (თხუთმეტი) კალენდარულ დღეში. იმ შემთხვევაში, თუ სამუშაოების შესრულების პროცესში აღმოჩნდება საპროექტო-სახარჯთაღრიცხვო დოკუმენტაციით გათვალისწინებული დამატებითი სამუშაოების შესრულების აუცილებლობა, ამ დამატებითი საპროექტო-სახარჯთაღრიცხვო დოკუმენტაციის შედგენას შპს "სანდო" განახორციელებს ანაზღაურების გარეშე.

პროექტირების პერიოდში საპროექტო დავალებით გაუთვალისწინებელი სამუშაოების დაპროექტების საკითხი ზეპირი სახით შეთანხმდება შემსყიდველთან.

შპს "სანდო"-ს დირექტორი:

*გაჭულაძე*

